

禮經會元第一卷

宋龍圖閣學充祿大夫贈尚書同知南陽郡開國公食邑三千八百戶食實封二百戶謚文康葉時著

禮經

知有聖人之治法當知有聖人之道法離道于法非深於周禮者也欲觀周禮必先觀中庸中庸曰大哉聖人之道洋洋乎發育萬物峻極于天優優大哉禮儀三百威儀三千待其人而後行夫禮儀三百經禮也說者謂周禮是也威儀三千曲禮也說者謂儀禮是也二書皆周公所述也中庸言聖道發育萬物復斂而歸之禮儀威儀之中何哉蓋聖人之道洋洋乎極於至大而無外優優乎入於至小而無間周公作書雖曰制度文為之所在而聖人所以生物不窮與天並立者實出於其中是誠中

東京大學
東洋文化研究所所藏
漢籍善本全文影像資料庫

書名 禮經會元四卷 明刊本
撰者 宋 葉時 撰
卷 卷首
內容分類 經-禮-周禮-宋
索書號 貴重-3
編號 A190600

[彩色首頁1](#)

[東洋文化研究所漢籍目錄](#) 編號: A190600

[東洋文化研究所漢籍目錄所藏漢籍善本全文影像資料庫](#) 索書號: 貴重-3

[漢籍善本全文影像資料庫](#) 文本 [禮經會元四卷](#) 明刊本

版權所有: [東京大學](#) [東洋文化研究所](#)

[使用上的注意事項](#)

所究研京東院學化文方東

— No. 2756 —

0 1 2 3 4 5 6 7 8 9 5

不 許 複 製

NOT TO BE REPRODUCED

東京大学東洋文化研究所

東晉書
周官六典
周禮一經

周官六典周公致太平之書也
然汨於漢儒之注疏使聖人之
道千載不明宋之文明濂洛諸
儒相繼以出易書詩春秋皆有
成說周禮一經又得龍圖閣學
士葉文康公會元而粲然表章

於世寔可以緝濂洛之未備矣
文康立朝正色與朱紫陽相友
善則講貫之素有不苟然者余
涖政之暇就其六世孫江浙提
學廣居得其書而讀之其出入
諸經援引明贍比事漢唐考覈

精詳一洗漢儒之陋誠有裨於
治化者舊板之廢已久因重鋟
梓以廣其傳吁唐虞遠矣後之
言治者莫過周公求周公之治
出於周禮有天下國家舍是
以灋矣則是書之傳豈曰小

補之哉至正乙巳中秋日榮祿
大夫江淞行省右丞兼同知行
樞密院事海陵潘元明序

昔周公致太平之跡具載六官凡
天地日月之遠山川封域之近禮
樂刑政之著夷狄鳥獸之微皆經
綸區別無不各得其宜此聖人精
神心術之所寓傳諸萬世所當守
為律令而不可忽焉者也秦人欲
肆其暴而惡六經為害已乃盡舉

而焚之其罪可勝誅哉漢儒掇拾
殘編斷簡於烈燄之中僅千百之
十一耳然皆百孔千瘡卒未有以
理為之折衷者河間獻王安以考
工記而補冬官之闕蓋亦陋矣故
宋葉文康公生于百世之下而確
然有見於百世之上乃取經文之

所存者會而通之蒐羅隱括曲暢
旁達事覈理當如指諸掌其補止
一篇又皆以經補經盡洗漢儒附
會之陋譬之美玉有闕以玉補之
不愈於用石乎公裔孫今江浙儒
學副提舉廣居奉遺藁獻之
江漕行中書右丞榮陽潘公公命

刻諸梓且寫書俾余序其篇端余
於文康無能為役而於禮也則願
學焉既幸其後有人又嘉
潘公之樂善不倦乃不辭而為之
書至正二十六年歲丙午正月甲
辰後學臨海陳基序

竹埜先生傳

先生諱時字秀發系出縉雲葉氏上世宦遊浙右樂錢唐風土
因家焉祖仲元祐紹聖間副臺端偕劉摯孫覺奏雪熙寧以來
刑獄坐是鐐秩訴理黨先生幼孤力學淳熙甲辰進士及第授
奉國軍節度推官轉兩浙運司幹辦公事出知龍泉縣有美政
特旨典行在糧料院遷太常簿祕書郎輪對上疏謂當法祖宗
蘇民瘼無專財賦兼吳興郡王府教授尋除祕書丞擢監察御
史首論士大夫風俗廉耻不立而躁競相先職業不脩而苟且
是徇會權臣韓侂胄欲開邊擅兵柄言者多獲罪先生嘆曰奉
職不稱無以塞責忍固位以忘君乎疆爭其不可者有四一曰
天時未順二曰民力未紓三曰在彼未有必亡之形四曰在我

未有必勝之實天子以為然而勢

反於蜀詔討之復疏誅賞不當罪功者

弗利吳曠
御史又遷右

諫議大夫首奏倖門四關名器日輕尉府崇階及於族黨之

功節鉞異數畀之刀筆之小吏奴隸鷹犬之寄婢妾冒郡國

之封反道敗紀人心憤懣侂冑尋誅又謂侂冑專政無君罔

不道乞梟首置之淮甸積屍叢塚之間以謝天下上納之除權

禮部尚書兼侍讀又權吏部尚書歲閔雨論天人相與之道其

悉繼以立朝久乞郡以文華閣學士知泉州改福建安撫使知

福州又加徽猷閣學士知婺州移潭州具有惠政先是潭有峒

寇甚為民患先生蒞之人不識寇授工部尚書會皇嗣未建乞

遊宗籍以繫天下之望於是濟王竑正位儲極加修玉牒無侍



讀遷吏部尚書星變海決疏謂得人乃可以得天心又論治

內治外莫先於固邦本振國威上欣然嘉納繼以年至願乞骸

骨上曰天官經遂賴以資朕不德詎宜輕舍去耶理宗即

顯謨閣學士知建寧府致成告老授寶文閣學士提舉

福宮又進龍圖閣學士光祿大夫致仕以薨贈開府儀

爵南陽郡開國公食邑二千一百戶食實封一百戶

斗山謚文康先生踐履高潔臨事警敏明性命道德之

陽朱文公相交善尤稱於周禮晚居嘉興著禮經會元

三山翁合號竹垞愚史學者稱爲竹垞先生咸淳六年

守嘉興建寧書堂於春波門嘉興杭湖三學皆立祠

先生開府禮經會元四卷凡各篇錯綜六官剖括群務其於建邦立極敦禮崇樂之要歷不該洽今讀其文如立文武成康之朝以與周乃具崇相唯若也其書昔授門人丹山翁同父氏自翁氏復歸家積比年兵革流穴躬負遺笈得不失墜江浙右丞榮陽公敦古尚治命錢梓以不朽其傳噫聖人之道具於六經聖人之治實存周禮先公以直氣正學別歷清要會權臣革命僅自法從出典外藩而志不盡施則會元之傳以俟後聖者固有在矣豈徒資學子討論之益哉讀者其毋忽至正二十五年八月吉日六世孫將仕郎江浙等處儒學副提舉葉廣居百拜謹識

禮經會元目錄

第一卷

禮經 註疏 民極 官名 兼官 相權 邦典
官法 都則 馭臣 馭民 任民 賦斂 式法
侯貢 繫民 正朔 象法 考課 官刑 官叙
官屬 官聯 官成 朝儀附圖

第二卷

官衛附圖 膳羞 燕禮 饗食 耕籍 同姓 醫官
酒政 藏冰 鹽政 財計 內帑 錢幣 內政
明制 奄官 教化 羣賦附圖 封建 井田 荒政
鄉遂 軍賦 役法 選舉



第三卷

齒德 遷邑 社稷 教胄 諫官 和難 昏禮

市治 水利 重農 山澤 園遊 制祿 祭祀

郊廟 賓禮 禮命 瑞節 禮樂 天府 冕服

學校 祭樂附圖 樂舞 詩樂

第四卷

卜筮 史官 明堂附圖 世名 諱 天文 分星附圖

車旗 兵政 將權 師田 賞功 馬政 火禁

險固 射儀 久任 圖籍 地理 刑罰 盟詛

鳥獸 遣使 夷狄 補正

禮經會元目錄終

禮經會元第一卷

宋龍圖閣學堯祿次贈府儀同司南陽郡開國公卷三百六十九 虞實封一戶 謚文康 葉時著

禮經

知有聖人之治法當知有聖人之道法離道于法非深於周禮

者也欲觀周禮必先觀中庸中庸曰大哉聖人之道洋洋乎發

育萬物峻極于天優優大哉禮儀三百威儀三千待其人而後

行夫禮儀三百經禮也說者謂周禮是也威儀三千曲禮也說

者謂儀禮是也二書皆周公所述也中庸言聖道發育萬物復

斂而歸之禮儀威儀之中何哉蓋聖人之道洋洋乎極於至大

而無外優優乎入於至小而無間周公作書雖曰制度文為之

所在而聖人所以生物不窮與天並立者實出於其中是誠中